

Aspirasi hebat mahasiswa UPM


Berikan idea untuk pembangunan Malaysia pada program TN50 bersama Rohańi

MOHAMAD NAUFAL MOHAMAD IDRIS

SERDANG - Sebanyak 245 aspirasi diberikan mahasiswa baharu Universiti Putra Malaysia (UPM) bagi menjadikan Malaysia sebagai negara hebat menjelang 2050.

Idea hebat tersebut disuarakan kepada Menteri Pembangunan Wanita, Keluarga dan Masyarakat, Datuk Seri Rohani Abdul Karim ketika Dialog Transformasi Negara 2050 (TN50) bersama mahasiswa baharu UPM di Dewan Besar Pusat Kebudayaan dan Kesenian Sultan Salahuddin Abdul Aziz Shah di sini, kelmarin.

Seramai 3,200 mahasiswa hadir pada program berkenaan dan antara idea yang menarik daripada penuntut Fakulti Sains, Mohamad Azif Ahmad Said yang meminta kerajaan menggalakkan rakyat memiliki kebun di rumah



Rohani menyampaikan ulasan kepada kira-kira 3,200 mahasiswa ketika sesi TN50 di Dewan Besar Pusat Kebudayaan dan Kesenian Sultan Salahuddin Abdul Aziz Shah, UPM, kelmarin.

masing-masing.

"Apabila setiap rumah mempunyai kebun sendiri dengan menanam sayur-sayuran berbeza, ia dapat kurangkan penerokaan hutan untuk membuka kebun baru.

"Kebun ini boleh diwujud dengan menggunakan teknologi bioteknologi," katanya.

Seorang lagi penuntut Fakulti Reka bentuk dan Seni Bina, Nur Hafizah Mohamad Zahar berharap, setiap

Foto: SHARIFUDIN ABDUL RAHIM

"Jadi saya berharap, lebih banyak bangunan tinggi mempunyai taman hutan selepas ini," katanya.

Penuntut Fakulti Pengajian Alam Sekitar, Mohamad Luqman Hakim pulak berkata, rakyat Malaysia digalakkan supaya tahu menggunakan bahasa insyarat bagi berkomunikasi dengan golongan orang kurang upaya (OKU).

"Apabila semua mahir bahasa isyarat, kekangan komunikasi orang normal dengan OKU dapat dikurangkan, sekali gus meningkatkan sosio-ekonomi negara," katanya.

Sementara itu, Rohani mengambil kesempatan menerangkan beberapa dasar dan perihal undang-undang negara, yang mungkin tidak diketahui golongan mahasiswa apabila ada antara mereka menuntut supaya mananya gender, sama ada lelaki atau wanita tidak dilebihkan. Beliau menjelaskan, un-

dang-undang negara ini adil kepada semua gender dengan mengambil contoh pindaan terhadap Akta Keganasan Rumah Tangga 1994.

"Mana-mana akta ini memberi keadilan kepada semua ahli sebuah keluarga, tetapi apa yang kita lihat, hanya 26 peratus lelaki buat laporan mereka didera semasa melayari rumah tangga, berbanding 74 peratus laporan diterima oleh kementerian daripada wanita.

"Saya berharap, persepsi mengatakan undang-undang negara melebihkan wanita daripada lelaki dapat dihentikan. Undang-undang Malaysia adil," tegasnya.

Rohani yang juga Menteri Mentor UPM berkata, amat gembira dengan aspirasi semua mahasiswa berkenaan dan berharap mereka belajar bersungguh-sungguh bagi memastikan aspirasi mereka tercapai.